

I han es Zündhölzli azündt
Und das het e Flamme gäh
Und i ha für d'Wiehnachtscherze
Welle Fүү vom Hölzli näh
Aber s'Hölzli isch dervo-
gspickt und uf e Holztisch cho
Und es hätt no fasch es Loch in Holztisch gäh dervo

Ja me weis was cha passiere
We me nit ufpasst mit Fүү
Und für schöne Cherzeschii
Isch en Holztisch doch denn z'tүү
Und es hätt euch au ned gfalle,
wär vom Tisch denn s'Fүү id Halle,
Well das wär denn ohni Wendi, wohl s'Endi vo eus allne.

Genau das chunnt denn halt devo,
wenn me en Halle baut us Holz,
es facklet zemmlig schnell,
de ganz Bremgarter Stolz.
Und s'Fүү brennt immer gschwinder,
wie bi alte dürre **Schindler**
es schreiet in Verzwiiflig, die Erwachsnige ond Chinder.

De ganz Iselauf hätt brennt
Und s'hätti d'Füürwehr müesse cho
Hätti **gröderet** i de Strasse
Und dr Schluuch vom Wage gno
Und s'hät en **Fontana** usegsprützt
Und das hätti glych nüt gnützt
Und ganz Bremgarte hätt brennt, es hätt eus nüt meh gschützt.

Und d'Lüt wäret umegsprunge,
Hättet d'Alt-Stadt welle rette,
Scho **Zöllig** duredreihet,
Wenns doch nur no Wasser hättet,
Und so **schäreret** sich all
um **d'Brunner** überall
ond im Iselauf brennt de letschti Pingpongball.

Und es vergächt gar ned vell Ziit,
Da schriibt denn d'NZZ,
Was das huere Tischtennis,
De Freiämter ibrockt het.
Und chli später frögt de Blick denn zemkli garantiert,

wär das alles ned passiert,
hätt d'Lüftig funktioniert.

De Schwiizer Tischtennisverband,
well au no öppis säge,
stellt klar, das segi Zuefall gsi,
ond ned ar Sportart gläge.
D'Politik tuet sich chli winde, aber muess gschwinde Schuldige finde,
Ond tuet weg dem all Pingpong-Spiel per sofort unterbinde.

D'Mitglieder vo eusem Club,
wöhrlets gar ned fasse,
De Soung, de fändis bsonders **lim**,
Ond d'Julia wörds **Hasse**.
De **Berzad** fluecht das s'Land vibriert, de **Hannes** wär recht enerviert,
Ond de **Maggi** fänd in Muri wär das nie passiert.

De Robert seit: I don't believe it.
D'Céline: No **Credaro!**
Ond de **Stierli** wörd de Kampf ufneh,
Bevor de **Toni** wörd acho.
De **Finke** rüeft luut us ,
de **Züschi** wörd chli twittere,
Ond de Erich wörd dem ganz Schlamassel, sis neue Album **widmere**.

Ond au de **Javier** ond de Meme **Meier**,
Fendet hey, die ganzi Leier, gaht eus krass uf d’Nerve.

S’Volk wörd bald scho uf d’Strass,
Es gäch **Tallner** gegde Strich,
Dass die allerbesti Sportart,
Jetzt ganz verbote esch.
S’Tischtennis esch ned tschuld,
S ganze Land in eim Tumult
ond me **bölleret** uf d’Bundesrät am Rednerpult.

Und als nächsts wär denne klar,
D’Chinese schriitet i,
Wenn me ere Sport verbüütet,
Gäbts kei Pingpong-Diplomatie,
D’Chriegserklärig chunnt scho bald, ond weg dem müennd denn d’Amis halt,
En neue Weltchrieg starte ond zwar nömm so chalt.

Und denn wördet wohl au schnell,
Eusi Lebensmittel knapp,
Vode **Jäger** ond de **Fischer**,
hanget plötzli velles ab.
Ond es zeigt en churze Check, au vom Mehl fehlet zig Säck,
Brot wörd denn wohl us Erbse gmacht, und zwar vom **Hülsebeck**

Für Rehti wär de Berset tschuld,

Führling de Albert Rösti

Überall **fönds** mit Panzer a,

wer hätti echt de Grössti?

Und bis zum letschte Niedergang,

Wörds denn wohl nömm lang gah,

Selbst überzügti Atheiste,

betet **Christos** ah.

Ide Schwiizer Schützegräbe,

Treffet sich all Staate

Und de **Hotz** verhauft neb Joola-Schläger

jetzt au Handgranate.

Ond denn chämti Hoch zu Ross, de **Rütima** no a,

Und hätt undrem Arm iklämmt, sini **Lanza** gha.

Scho churz drufabe chämtet d'Bombe,

Es **rohneret** ond kracht

Vom Hochgebirg zum Meeresdofner

Werd Europa **Ebner** gmacht,

Ond denn gächts au gar nömm lang, es verstummt bald jede Klang,

Nume z'Döttgie im Bunker hets no echli **Vogelsang**.

Ja I han es Zündhölzli azündt
Und das het e Flamme gäh
Und i ha für d'Wiehnachtscherze
Welle Füür vom Hölzli näh
Aber ds Hölzli isch dervo-
Gspickt und uf e Holztisch cho -
Gottseidank dass i's vom Holztisch wider furt ha gno